

三世因果經全文

佛說三世因果經 | 常見流通本 | 列印保存版

佛說三世因果經

常見流通本

爾時，阿難陀尊者，在靈山會上，一千二百五十人俱。阿難頂禮合掌，繞佛三匝，胡跪合掌，請問本師釋迦牟尼佛：「南閻浮提一切眾生，末法時至，多生不善，不敬三寶，不重父母，無有三綱，五倫雜亂。貧窮下賤，六根不足，終日殺生害命，富貴貧窮，亦不平等。是何果報？望世尊慈悲，願為弟子一一解說。」

佛告阿難與諸大弟子言：「善哉，善哉！汝等諦聽，吾當為汝等分別解說。世間一切男女，貧賤富貴，受苦無窮，享福不盡，皆是前生因果之報。以何所作故？先須孝敬父母，次要信敬三寶，三要戒殺放生，四要布施結緣。能種後世福田。」

佛說因果偈云：

富貴皆由命，前世各修因。有人受持者，世世福祿深。

善男信女聽言因，聽念三世因果經。三世因果非小可，佛言真語莫非輕。

今生做官為何因？前世黃金裝佛身。前世修來今世受，紫袍玉帶佛前求。

黃金裝佛裝自己，遮蓋如來蓋自身。莫說做官皆容易，前世不修何處來。

騎馬坐轎為何因？前世修橋補路人。穿綢穿緞為何因？前世施衣濟僧人。

有食有穿為何因？前世茶飯施貧人。無食無穿為何因？前世不捨半分文。

高樓大廈為何因？前世造庵起涼亭。福祿具足為何因？前世施米寺庵門。

相貌端嚴為何因？前世鮮花供佛前。聰明智慧為何因？前世誦經念佛人。

賢妻美婦為何因？前世佛門多結緣。夫妻長壽為何因？前世幢幡供佛前。

父母雙全為何因？前世敬重孤獨人。無父無母為何因？前世都是打鳥人。

多子多孫為何因？前世開籠放鳥人。養子不成為何因？前世皆因溺嬰身。

今生無子為何因？前世填穴覆巢人。今生長壽為何因？前世買物多放生。

今生短命為何因？前世宰殺眾生命。今生無妻為何因？前世偷姦謀人妻。
今生守寡為何因？前世輕賤丈夫身。奴婢下賤為何因？前世忘恩負義人。
今生眼明為何因？前世施油點佛燈。今生瞎眼為何因？前世指路不分明。
今生缺口為何因？前世吹滅佛前燈。今生聾啞為何因？前世惡口罵雙親。
今生駝背為何因？前世譏笑拜佛人。今生曲手為何因？前世都是造業人。
今生跛腳為何因？前世攔路打劫人。今生牛馬為何因？前世欠債不還人。
今生豬狗為何因？前世皆因騙害人。今生多病為何因？前世酒肉供佛前。
今生無病為何因？前世施藥救病人。今生坐牢為何因？前世作惡不讓人。
今生餓死為何因？前世糟蹋五穀人。毒藥死者為何因？前世毒物害眾生。
伶仃孤苦為何因？前世惡心侵算人。今生矮小為何因？前世地下看經文。
今生吐血為何因？前世食肉去念經。今生耳聾為何因？前世誦經不悉聽。
今生瘡癩為何因？前世買肉佛台前。今生臭氣為何因？前世和香賣不真。
今生吊死為何因？前世劫索在山林。鰥寡孤獨為何因？前世狠心嫉妒人。
雷打火燒為何因？大秤小斗不公平。蛇咬虎傷為何因？前世冤家對頭人。
萬般自作還自受，地獄受苦怨何人。莫道因果無人見，遠在兒孫近在身。
不信吃齋多修積，但看眼前受福人。前世修善今享福，今生作惡後沉淪。
有人毀謗因果經，後世墮落失人身。有人受持因果經，諸佛菩薩作證明。
有人書寫因果經，世代兒孫家道興。有人頂帶因果經，兇災橫禍不臨身。
有人講說因果經，生生世世得聰明。有人高唱因果經，來世為人受恭敬。
有人印送因果經，來世便得帝王身。若問前生事，今生受者是。若問後世事，今生作者是。